

奉化縣志卷三十八

冢墓

周

計然冢 縣北三十里名計然村 乾隆志案計然葵邱濮上人
姓辛氏字文子越王句踐困於會稽之上乃用計然康熙志敘遺
引皇覽云計然冢在句章縣東一十里奉化縣北有計然村今莫
詳其處

梁

茅將軍墓 縣東南七十里清涼山 ○案嘉靖志作縣東九十里
康乾志作縣北九十里俱誤

唐

銀青光祿大夫王敬玘墓 縣西南六十里萬竹嶼俗名鶴窠延
祐四明志萬竹嶼有人耕其旁得小方碑載敬玘出自瑯琊官於

奉化縣志

卷三十八

冢墓

一

明州天祐二年歿葬於此 康乾志

奉化令宋嗣宗墓 縣東北十里名山石人隩 康乾志

秘書丞王添墓 白水隩 新增

黃巖令王邁墓 縣西禽孝鄉 新增

朝散大夫王潔墓 鹿宛山 新增○延祐志作州西北二百步越
州諸暨人官於鄞文德元年卒葬於

此

正議大夫王儉墓 縣西南連山 新增

案舊志不載王添王邁王儉之墓而舒文靖撰墓志云
自晉丞相導十七世有秘書丞王添葬奉化白水隩凡今族
於邑者皆祀焉又案慈谿王氏通譜添子邁唐時為黃巖令
卒葬奉化禽孝鄉次子潔為會稽令卒葬奉化鹿宛山三子
儉瑯琊郡開國子卒葬奉化連山

司勳員外郎阮詵墓 縣東奉化鄉建城里南山東原 康乾志

朝散大夫王知蘊墓 縣東南松林鄉白水之原 康熙志○案乾隆志作東北誤

御史中丞杜勝墓 縣西北禽孝鄉日嶺山 乾隆志

宋

金紫光祿大夫蔣浚明墓 縣北十里三嶺山中奉大夫蔣璿宣

奉大夫蔣琬祔 康乾志

大理評事樓郁墓 縣東南八里龍潭山赤城羅公適持節過墓

下植檜四本為文致祭而去袁正肅公書墓道扁曰慶厯鄉先生

正議樓公墓 康乾志

元祐鄉先生王奕墓 縣東南十里桃花嶺今子孫居衙後 康乾志

國子鄉先生李中墓 縣西十五里日嶺山樓鑰題其墓子李達

祔 康乾志

奉化縣志 卷三十八 冢墓 二

郡馬樊紱墓 縣西剡源鄉公塘之原 剡源志

朝請大夫曹盅墓 縣西北禽孝鄉童隩先塋之側 攻媿集

宋樓鑰撰墓志銘矯矯因明天與令姿學有自來而文益奇駢四儷六篤論工詩奏賦明光大放厥辭見于有政精敏光輝才位高下知我者希胸中耿耿不得施吾徒掌制愧先于之伉儷同穴行道與悲我銘其藏慰爾孝思

宣議舒卞墓 縣北十里石人村 康乾志

修武郎李偁墓 縣南二里寶化山以己資造寶化院又置田地

山若干畝授僧管業歲供香火 康乾志

平湖先生趙敦臨墓 縣東南十里南山承議黃子春撰墓志 康乾志

奉議郎黃仁儉墓 縣西南萬竹嶼察廉岡 康乾志○案嘉靖志墓在縣西北禽孝鄉

車盤

修職郎高世埴墓 縣西南萬竹嶼察廉岡 嘉靖志

進士王宗道墓 縣西南松林鄉登山之原 康乾志

郡馬董楨墓 縣西剡源鄉倪家隩 剡源志

通判端州軍事童大定墓 縣南十里龍潭山子居善耐 康乾志

宜州通判諡文靖舒璘墓 縣西四十里茅洋眠狗山 康乾志參剡源集

宋楊簡撰墓志銘猗歟元質道心懇至誘也匪牽樂恬筆瓢隙廬蕭蕭鏗然誦絃按鐸按鐸有勛其燭百里大賢惟藏之石簡最其述永

案楊文元撰墓志謂文靖葬於公棠山剡源集題作家西十

里外茅洋小山中康乾志謂在康家嶺眠狗山地名各異而

孫氏七千卷樓刊文靖集校勘記案茅洋小山土人呼為狗

山惟墓近茅洋與康家嶺稍遠則當以茅洋眠狗山為是

工部侍郎中書令平章事莊鑰墓 縣南五十里萼湖靈龜凸左

肩之岡楊簡撰墓志銘 忠義志

奉化縣志 卷三十八 冢墓

太師趙善湘墓 縣西北十五里同山 康乾志

寶謨閣直學士葉夢牛墓 縣東四十里白杜塔山 宋訪

右軍統制吳從龍墓 縣西北三十五里白巖山 兩浙防護錄

將作監主簿蔣曉墓 縣北長壽鄉邵隩之麓 清容集

元袁桷撰墓志銘蔣姓宗姬山亭漢侯居鄞發祥唐季是稠厥孫評事清淨急施有嗣金紫益振以義忠肅陳公謫明絕朋俾子允師連桂以隆興倅貳有聲再世是繩說說貴池丞邑退卑厥兄諫議職穹聞馳愍弟有孤將授門功公謝弗受迄升南宮試簿仙居復攝甯海卻妖節浮民靡置貸入理京獄直囚不刑揆其隱茲大尹以驚出邑武進適易分水嚴盜獫張召公顛治摩澌羸頤請粟食賑楮帛賦繁直疏罷進神存正祀學飾新象彼龐者叟祠祝泣想爰倅于越撫民彌加計臣增輸贖諫戢譁佐餉既終監舶泣温香珠翠鞿固游于門輯為成書以儆墨惜彼相嫉廉改司匭函白璧襲緹卒罹其讒晚佐繕營國步日窘壑寶食貧絕見喜愠少窺刑書復入詞學記言博精灑墨清犖譜書庚申文紀甲子視階郎中澤奏冢嗣歲行丁亥九月庚戌飾巾辭終壽七十一厥嬪氏曹箋詩之曾子曰景先無祿絕承有季昭先守儒俟徵墓在州南先域接挹集藏于家厥帙為十維公儀觀偉古動人前聞後訛指掌剖陳巍坐若尸不頤不破彼

諂有徒正色以止者舊川淪來者荒塞昭銘墓門以作後則

復州團練使趙汝擢墓 縣西北禽孝鄉倪山康乾志

朝議大夫舒徽墓 縣東北十五里名山康乾志

戴剡源先生祖墓 縣西張村之長錫隩康乾志

孝子袁鎮墓 縣西三十里棠隩康乾志

戶部郎官陳肖孫墓 案康乾志作侍郎誤 縣東南七十里黃賢山○案康乾志作

縣東九十里亦誤 子將仕郎高伯墓亦在是山忠義志

忠節舒瀛墓 縣東二十里廣孝隩駱駝山乾隆志參兩浙防護錄○康乾志孝作教

大理寺卿舒滋墓 縣南四十五里鮎埼嶺南左康乾志

進士舒夢刀墓 縣東二十里福泉山康乾志

太學博士舒津墓 縣西二十里藥師寺前康乾志

郡馬項榮貴墓 縣南三十里方門鳳凰山康乾志

奉化縣志 卷三十八 冢墓 四

狀元何大圭墓 縣東土埭廟西首采訪

曹國公求益墓 縣東七十里銀山洞背裏忠義志

撫州通判劉濤墓 縣西剡源鄉張隩之原在今草蓬山剡源志

隱士竺汝舟墓 縣西剡源鄉唐青隩剡源志

理學竺大年墓 縣西剡源鄉大智寺後楊琪撰墓銘剡源志

承直郎曹孝先墓 縣西禽孝鄉下楓潭乾隆志

太師劉三清墓 縣西南三里三溪錫福廟前新增

理學張錯墓 縣西剡源鄉斑溪方家衎之原剡源志

宋陳著撰墓志銘業信於友而嗇於名善稱於鄉而尼其行維天之命維心之亨維後之人尚篤其成

直學士院樊伯塢墓 縣西剡源鄉佛字潭山剡源志

太博陳著墓 縣西剡源鄉倪家隩剡源志

新城尉陳觀墓 縣西剡源鄉下蹕駐仇家畝背舊菴後山剡源志

元袁榭撰墓志銘曰垂崦岷亦既見斗實命不逢怨則屢疾布衣便便迄享大年執其章編戒子于傳維陳令族詩書是續作銘昭昭以告必復

元

奉化知州周仲厚墓

縣南十里胡家塘山康熙志

剡源先生戴表元墓

縣西剡源鄉張村今三石嶺之陽康熙志

志

元袁榭撰墓志銘桓桓戴系立氏以謚信都九江集禮秉衛在漢國鈞守正忠毅別籍于剡貞德彌勵琅然孤桐不諂其逢浩歸衡門邈焉冥鴻二季重輝續其高風箋經暢隱雅言春容厥壤犬牙旁邑是著方門之支本茂葉附展世斯赫宗贊攸輔洗餘慶聿踵先武振聲鋪華先生是承有煜者光不疎不凌在泮我冠掩耳以行曲裾長襟祇繫其亨千塗競譌一轍交走正岐前驅白首莫疚發其粹精如瘖脫口如嚮在手如藥在肘屢躡于艱秉禮益聞有泉潺潺有佩珊珊駕言東游曰知者天卒昌其文以終巨樊張原之柏先生手植彼高為南彼鬱者北告而嗣子以順以則昭銘墓前過者必式

安定書院山長任士林墓

縣南松林鄉雷公山康熙志

奉化縣志

卷三十八

冢墓

五

奉化巡檢方補化墓

縣南五十里鮎埼亭山宋志

明

拾遺戴探花德彝墓

縣西南四里許家隩康熙志

康熙志案曰舊志以許家隩之墓竟為拾遺公墓恐未必然

拾遺死靖難時與兄弟德禮德祐俱畢命聚寶門外時禁方

嚴安得歸葬首邱則此墓乃其祖父非拾遺墳也觀斐君先

生招鶴篇及愚齋先生義婦傳則三魂未歸而骨肉之散處

者多矣嘉靖間周公光鎬訪拾遺舊蹟得北門戴姓指點此

墓官為致祭以北門戴姓世世拜掃不絕也今與東門戴氏

同祭此墓乃知拾遺之宗系自遠而忠魂與天壤不朽耳

兵部侍郎宋瑛墓

縣西十里日嶺山康熙志

監察御史項儔墓

縣東五里伏兔山康熙志

浙防護錄

布政使應履平墓 縣西十里日嶺山 康乾志

布政使嚴貞墓 縣後鳳山 宋志

運使陳楠墓 縣東南十里奉化山報國寺後 康乾志

辰州知府毛干廷墓 縣西剡源鄉俞家山 剡源志

通政司參議戴璟墓 縣西七里枯桐坑山 宋志

監察御史王杏墓 縣北二十里湖山 宋志

國子監祭酒戴洵墓 縣北三十里新建彌陀亭左 宋志

侍御史王子沂墓 縣西南四里邛家山 宋志

錦衣千戶王諤墓 縣西六里樟隩烏坑 宋志

南豐縣學訓汪綸墓 縣西五里饅頭山 宋志

舒城教諭嚴俸墓 縣南二十里廟後東山司成戴洵撰墓志 宋志

本學訓導竺君詠墓 縣西剡源鄉董村 剡源志

奉化縣志 卷三十八 冢墓 六

奉化令羅心樸墓 縣西南連山鄉靈隱寺側前山灣 宋志

廣西按察使江勛墓 縣西二十里黃甘嶺之南都御史胡拱撰

墓碑 康乾志

刑部主事袁鑛墓 縣東南六十里老鴉翅山 忠義志

兵馬指揮使孫際唐墓 縣西四十里公棠之一葉蓮山 宋志

江西提學參政孫際可墓 縣北二十里後葛金字山囊雲周齊

曾撰墓志銘 乾隆志

國朝

贈中憲大夫宋道充墓 縣北一十里應家山 乾隆志

光祿少卿宋之鉉墓 縣西十里城西隩半月山 乾隆志

台州府教授吳尙知墓 縣東南五十里吳家埠村東北 忠義志

贈太子少保諡果愍王之敬墓 縣南五十里鮎埼嶺南鏡架山

宋訪

外地冢墓 附

宋

處士和靖先生林逋墓 杭州西湖孤山新

承奉郎李珂墓 鄞縣塔嶺之原 攻魏集

宋樓鑰撰墓志銘祖開慶門父全鄉邑君繼以善子孫玉立或升于學或薦于鄉儒風大振名第相望衣冠方輿所貴持久毋淪瀆則用

篤厥後

漕貢士單庚金墓 岷縣忠節鄉葛竹山之原 剡源志

元戴表元撰墓志銘大山嶙嶙長流沄沄是為晦溪明經處士之墳百世之下甯無知者勿躪其石勿剪其槨

明

順天府丞戴澳墓 鄞縣東湖 康乾志

外地人冢墓 附

奉化縣志 卷三十八 冢墓

唐

明州刺史傅慶符墓 縣東北三十里戚山 乾隆志銅山廟注

宋

奉國軍節度使錢億墓 縣西三里北山 寶慶志 乾德五年卒

葬於此戶部尚書崔仁冀奉敕銘墓 康乾志 嘉靖志 參

崔仁冀撰墓銘嗚呼魯誅宣尼謂旻天不弔齊銘文獻謂半岳摧峯彼惟歎哲此乃傷宗始終禮全儻有貴乎啟足短修分定亦奚甚乎戚容我國家系自仙靈基於口口岐周孫子瓜陔縣縣而逾長魯衛弟兄棠棣韡韡以方盛其分宗之大創業之高班布前書渙列今史可得而畧焉公即武肅王之孫文穆王第十子今大元帥吳越國王之弟也諱億字延世錢唐人也天垂象而列為公輔岳炳靈而誕作英髦神清而水鑑旁輝表異與識偕溲雜白以成碑辭兼理勝生七歲而後異志千里以自然驪珠擅愛於掌中鳳綵推恩於膝下未出閣歲制授尚書禮部郎中尋改中直都指揮使檢校司徒開國伯食邑七百戶罷南宮之錦帳講上將之玉鈐鴻羽漸昇屏渠是肅辛丑歲文穆王升遐八極中獻王纘服二邦繼體守文作洽輿人之望自冢刑國先推陸族之恩天福八年六月授公起復雲麾將軍檢校

奉化縣志

卷三十八

冢墓

八

太子太保尋歷太傅太尉尚書右僕射開國侯加食邑至一千
 五百戶端右纜儀於庭鷺具瞻旋逼於臺鸞俄自五宗言同三
 品丁未歲我上應楚庭之當拜副代邛之奉迎乾坤定位於太
 初雷雨覃恩於鴻覆指棲雞之櫟將正階司顧審像之求不遐
 天序堯俞所屬康誥屢行公於是大空土之資真濟川之祿監
 董狐之史筆惣天祿之殿書宗相變和而惟允霸君垂拱以仰
 成未幾上以鎔山煮海之權富國彊兵之本式資心計以瞻軍
 需乾祐元年四月委公判兩浙鹽鐵乃封新定郡公加食邑五
 百戶夜思經濟豈惟師孔僅前修歲入羨盈不假辟李華傍贊
 四明提封千里雲屋萬家貢分於齒革羽毛族殷於魚鹽蜃蛤
 南琛交貿有蠻舶以時來東道送迎有皇華而歲至慎選茲任
 非親弗居明年五月授公判四明諸軍事易利建侯詩優布政
 攬轡有蘇舒之志下車多惠愛之方南畝嗇夫荷決渠降雨之
 利東野編戶安熬波出素之業郡歌來暮朝議陟明屬我王守
 位以仁因心則友念犬牙之相制式賴親親當龍首之高居常
 迴睠睠奉綸言而獎授擇寶器以頌宣駱驛道途蟬聯歲序其
 間擁旌入覲執玉在廷每將梁孝同居親為東平行邛恩光不
 二禮分特高故得大國進封遙裂翦鷄之壤郡官處長兼同浴
 鳳之儀顯德初丁周國明懿善慶太夫人憂尋從泣血之中仰
 奉奪情之典洎大宗皇帝起陸龜難應天革命以我上乘三世
 之大節北面尊周率萬國之諸侯同心戴舜霸業騰高於踐土
 寵章蔭及於在原建隆元年敕命公為奉國軍節度使司自膺
 帝命瀾勵政經內和民人外固封守福星坐照周旋六考之間
 甘雨行隨康濟一方之內必謂受祿未艾介福猶登無何方寸

之間忽構在盲之亟台星中折晉司空早自知亡喪氣東行荆
 太守俄鍾此釁以乾德五年春二月丁卯薨於府城之正寢享
 壽凡二百二十六甲子哀聞達聽痛軫上心七日罷朝百官奉
 慰博議易名之典慎求監輔之才制贈官諡曰康憲以其年四
 月庚申葬於本軍奉化縣禽孝鄉白石里之原禮也守龜告日
 踏馬開瑩哀引長驅指蒿埏而去去風悲四起咽笳吹以淒淒
 北邙永閤於幽局南氏空書於遺績公星黃演派虹王滋苗出
 藩入輔之才諒由天賦緯武經文之業且見日新其政理也簡
 靜為先緩猛相濟愛如冬日穆若清風班鐵赤於旂亭市無二
 價設鋤箭於閭里路不拾遺其課績也輿賦均登述民經覆疏
 鵝陂而資溉注創龜榭以勝追遊設險守邦大峻金塘之制樹
 碑紀績親刊黃絹之辭其文學也洞究百家冥搜萬象蝌蚪書
 出於魯壁芙蓉詩生在謝塘玉如意之揮時紛紛兼誦銅鉢聲
 之敲處續續成章其技藝也授劍術於猿公傳弓聲於雁將章
 程擅敏草聖推工顧誤曲於座隅五音潛別覆殘棋於碑背一
 路無遺其風度也玉海千尋金陂萬頃折旋中矩終讌不疲菊
 映漉巾陶亮如義皇上客雪沾鶴筆王恭真神仙中人其理性
 也得古佛之指歸經祖師之印可練寶結生天之果布金追陟
 圯之思啟迪言筌豈止作山陰都講發揮心要固將同方丈上
 人惣是全材誕為英器際吾主隆平之運極周親友愛之恩入
 專和矯之車出仗辛毗之節况復有厚於國有慶於家康樂鳳
 毛悉連榮於仕路太冲紈素俱結偶於相門委大化以如歸考
 終命而不亂斯盡善矣復何慊焉紀是殊政宜乎大化於仁冀也
 綜筆慚名銀臺辱召奉綸言而比事抽軋思以僅成刻在邸珩

遠愧乎披文相質實諸冥漢聊防乎深谷為陵謹為銘曰東
南福地表裏仙岡牒稱諸姓謙述興王極天基大積石源長秦
中鹿走浙右龍驤武祖勃興文考光啟國霸魯史家肥戴禮乃
子乃孫宜兄宜弟盤石分封平臺立邳國之貴介才自天生蟾
供硯滴霞翦詩成爰居西邳是則東平為霖日用同氣分榮地
日句章洲名海岱乃輟牢盆言驅大旆六考之間百城之內民
詠安堵史書課最霸君敦愛裂地酬勳天王覃寵奉國名軍圭
桐舊翦符玉新分如堵天柱如捧日雲誓著山河任兼將相冰
薤政聲金滕德望適賴永藩忽悲中喪影澹三階位虛五帳鄧
山之下鄆水之濱合茲著兆擇得崧鄰風旌飄警露輓酸辛為
陵有日大夜無晨生理四明民享餘利歿窆四明神資吉地有
邵芟兮興歌有羊碑兮墮淚公之德兮公之功百世可知於錫
諡天聖壬申歲季秋月孫
嗣復重立石○乾隆志

資政殿學士參知政事王次翁墓 縣東南七十里清涼山長子

侍御伯庠次子宗正丞伯序墓忠義志

元戴表元過清涼寺王參預墓下詩江左風流廊廟人荒墳拋
與梵宮鄰多年羊虎猶眠石敗壁貂蟬祗貯塵萬古雲山同白
骨一庭花木自青春永思陵
下猶淒切廢屋酸風吹野薪

忠義志案曰樓攻媿集王伯庠行狀伯庠葬奉化縣忠義鄉

奉化縣志 卷三十八 冢墓 九

之瑞雲山太師墓側瑞雲山與清涼山同一處鄞聞志以府

城西海會寺後之清涼山當之非是董志案語謂次翁當葬

在奉化不在清涼山亦不知忠義自有清涼山也

安撫使薛居實墓 縣東南六十里貌頭山郎中薛揚祖通判薛

師魯州判薛闡康乾志 甬上著舊傳居實字去華知衢州朋
龜之子也歷官淮東安撫使直秘閣卒於揚州

節度使馮湛墓 縣西北十五里同山康乾志 至正志馮公秦
州成紀人世為宋將寄居

明之鄞縣任鄂州副都統制慶元間
奉敕葬於同山之下參政樓鑰銘墓

魯國公余天錫墓 縣北十里西圃山乾隆志

丞相文節公魏杞墓 縣西三十里溪口山康乾志

徽猷閣直學士樓昇墓 縣北十里金鐘壑山沿海制置使樓璩

附康乾志

雪窗居士張良臣墓 縣西三十五里白巖山康乾志

明

周囊雲先生髮冢

縣西剡源鄉柏坑榭樹灣自為之銘

剡源志

銘曰余去盡髮無如髮不終余去戀戀宜死不死人隔月即長寸然爾能長我能去則拾而裹以片楮積數歲且盈匣將投諸水惡浮惡沉惡波逐將投諸火惡熱惡煙燼將與腐草朽株同委棄又焉知不為人所誤食而為腹中蛇迺筮得坤之四括囊无咎无譽于是執斧負耜斬木穴土選小石之平直堅確者贅為冢曰惟埋之其從之冢則髭數莖鬚數株可無作俑其送之冢則首則身首則若目若耳若齒若舌若鼻口身則若心若膽若腸若肝肺若手足此十餘者生與髮為一異乎不一而相與以深者而俱生不與俱死鳥能无情而生無所為生死無所為死又烏乎情夫不一必一以情情亦不一不如無情今日身首尚存固不必有情而不一者之匍匐惟松有聲可以無哭惟薤有露可以無淚惟鳥石依依可無弔客而今日之身首且為髮當松聲當薤露當鳥石爰撮土為奠以告之曰聞骨能食土氣厚與所分之身爾性不速灰非骨而存與骨俱余縱不藉爾地下以庇余地上獨無爾雖有首猶之無目無耳無齒舌鼻口不殊無首雖有身猶之無手無足無心肝腸肺不殊無身吾願爾他日勿化鼠鬣化兔穎化脈望化塵後之尾以有用用幸化龜毛化兔角以無用用余身首來泉時或與爾得度盡有髮鬼化泉下為白日告畢而窆窆而銘曰冢止乎髮是無人也冢既有髮非無物也無人之冢太虛寥廓有物之冢日出日入

奉化縣志

卷三十八

冢墓

十

國朝

布衣萬斯同墓

縣東南五十里萼湖烏陽觀山南麓

忠義志

案邑人之卜葬鄰縣與外郡縣人之葬吾邑者舊志連類書

之或略而不書閱者病焉因仿松江府志及慈谿縣志例附

錄於後